

**KULTURA ETA HIZKUNTZA POLITIKA SAILEKO KABINETEAREN ETA GIZARTE HEDABIDEEN ZUZENDARIAREN EBAZPENA, INFORMAZIO PUBLIKOA ESKURATZEKO ESKABIDEA ONARTZEN EZ DUENA.**

Ebazpena ematen duen administrazio-organoa: Kabinetearen eta Gizarte Hedabideen Zuzendaritza.

Prozedura: Informazio publikoa eskuratzea.

Espedientearen zenbakia: 2019/000019

Eskatzailea:

Eskatutako informazio publikoa: Kirol Erakundeen Erregistroko izapideei buruzko datuak.

Informazioa eskuratzeko modua: Elektronikoa.

Eskatutako informazioa daukan administrazio-organoa: Jarduera Fisikoaren eta Kirolaren Zuzendaritza.

Egitateak

2019ko urtarrilaren 22an, jaunak informazio publikoa eskuratzeko eskabide bat aurkeztu du. Honako hau, hain zuzen:

“Azken hilabeteotan Kirol Erakundeen Erregistroan egin beharreko izapide batzuk Internet bidez bakarrik egiteko derrigortasuna ezarri da.

Hori dela eta, horren inguruko informazio hau jaso nahi nuke: 2015, 2016, 2017 eta 2018 urteetan Euskal Autonomia Erkidegoko Kirol Erakundeen Erregistroan egin den izapide kopurua, urte bakoitzean, elkarte motaren (Kirol klub, kirol elkarte eta federazio) eta izapide motaren arabera banatuta (inskribatze berriak, desegiteak, administrazio organoaren izendapen berriak, estatutu aldaketak), Internet bidez zein paperean egin den tramite kopurua adieraziz.

Administrazio-organo izapidegileak informazio publikoa eskuratzeko eskabidea aztertu du.

Zuzenbideko oinarriak

Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legean dago araututa informazio publikoa eskuratzeko eskubidea. 19/2013 Legearen 12. artikulua honako hau ezartzen du: “Pertsona orok du informazio publikoa eskuratzeko eskubidea, Espainiako Konstituzioaren 105.b) artikuluan xedatutako eta lege honetan garatutako baldintzetan. Halaber, autonomia-erkidegoko araudia aplikatu beharko da, betiere bakoitzaren eskumenen barruan”.

Gobernu Kontseiluak 2015eko urtarrilaren 13an onartutako erabakiaren eranskinean ezarritako prozedurari eta antolamendu-ereduari jarraitu zaie, informazio publikoa eskuratzeko eskabidearen instrukzioa egiteko.

19/2013 Legearen 14. artikulua informazioa eskuratzeko eskubidearen mugak ezartzen ditu eta honako hau jasotzen du: "Mugak xedearen eta babes-helburuaren arabera izango dira, eta kontuan hartuko da kasu jakin bakoitzaren egoera, bereziki, informazioa eskuratzeko justifikatzen duen interes publiko edo pribatu handiagorik ote dagoen". 15. artikulua, bere aldetik, datu pertsonalen babesa arautzen du.

17. artikulua arabera: "Eskatzaileak ez du arrazoitu beharko zergatik eskuratu nahi duen informazioa. Hala eta guztiz ere, informazio hori eskatzeko arrazoiak azaldu ahal izango ditu, eta, ebazpena emateko, kontuan hartu ahal izango dira. Hala eta guztiz ere, eskaera ez arrazoitzeak ez du berez eskaera ezestea eragingo".

19/2013 Legearen 19.3. artikulua hurrengo ezaugarriak ezartzen ditu: "Eskatutako informazioak hirugarren batzuen eskubide edo interesei eragin badiezaieke, eta behar bezala identifikatuta badaude, hamabost eguneko epea emango zaie nahi dituzten alegazioak egiteko. Eskaera-egileari horren berri eman beharko zaio, eta, era berean, jakinaraziko zaio ebazpena emateko epea eten egiten dela harik eta alegazioak hartzen diren arte edo alegazioak aurkezteko epea igarotzen den arte".

Bestalde, 18. artikulua eskabideak ez onartzeko kausak ezartzen ditu. Modu honetan ez dira onartuko honako eskabide hauek: 18.c) *Hedatzeko, alde aurretik, berriro prestatzea behar duten informazioari buruzkoak.*

Euskal Autonomia Erkidegoko Kirol Erakundearen Erregistroan 3000 inguru kirol entitate ditugu erregistratuta. Eskatzen den informazioa ez da automatikoki gordetzen dena. Horregatik, eskatutako informazioa bildu ahal izateko, aurretiazko birsortze lana burutu beharko litzateke, lanordu asko eskatzen duen lana. Eskatutako informazioa ez dago sailkatuta ezta antolatuta ere eskabidean eskatzen den moduan. Nekez sortu daitekeen informazioa da. Izan ere, Jarduera Fisikoaren eta Kirolaren zuzendaritzan ditugun baliabide tekniko eta pertsonalekin ez daukagu informazio hori batzeko modurik.

Gardentasun eta Gobernu Onerako Kontseiluak 2015ko arazoaren 12ko Txostenean, *berregiteko lana* interpretatzeko, honako hau jasotzen da: "*cuando dicho organo o entidad carez de los medios técnicos que sean necesarios para extraer y explotar la información concreta que se solicita*". Era berean, Gardentasun eta Gobernu Onerako Kontseiluaren 0055/2018 Ebazpenean ondorengo jasotzen da: "*requieren un tratamiento que obliga a paralizar el resto de la gestión de los sujetos obligados a suministrar la información, impidiendo la atención justa equitativa de su trabajo y el servicio público que tienen encomendado...carece de medios personales suficientes para atenderlas...*".

Aurkeztutako eskaeraren edukia eta aztertutako araudia kontuan hartuta, egiaztatu da lehengoak legeak ezartzen dituen baldintzak bete ez dituela eta Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legeari dagokion edukia betetzen ez dela kasu honetan, ondorioz, ez da bidezkoa eskatu den informazio publikoa eskuratzeko onartzea.

Ebazpena

-k aurkeztutako informazioa eskuratzeko eskabidea ez da onartzen, Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legeak ezarritakoaren arabera.

Errekurtsoak

Ebazpen honen kontra, honako hauek aurkeztu ahal dira:

- **Informazio Publikoaren Sarbiderako Euskal Batzordeari erreklamazioa** aurkeztu ahal zaio.

Aurkezteko epea: **hilabete bat**, ebazpena jakinarazi edo argitaratu eta biharamunetik kontatzen hasita. Hiru hilabeteko epea egongo da ebazpena emateko eta jakinarazteko. Epe hori igarotakoan, ezetsizat joko da erreklamazioa. Administrazioarekiko auzi-errekurtsorik ezin izango da aurkeztu, aurkeztutako erreklamazioa espresuki ebatzi arte edo presuntzios ezetsi arte.

- Edo, bestela, **Administrazioarekiko auzi-errekurtsoa** jarri ahal zaio, zuzenean, Euskal Autonomia Erkidegoko Auzitegi Nagusiko Administrazioarekiko Auzietako Salari.

Aurkezteko epea: **bi hilabete**, ebazpena jakinarazi edo argitaratu eta biharamunetik kontatzen hasita.

Sinadura

Almudena Otaola Urkijo
Kabinetearen eta Gizarte Hedabideen zuzendaria
Kultura eta Hizkuntza Politika Saila

Informazio gehiago

- Prozedurari** buruz:

Internet:

https://www.euskadi.eus/herritarrekin_interakzioa/informazio-publikorako-sarbidea/y22-izapide2/eu/

Telefona: 012

Zuzenean - Herritarrentzako Zerbitzua

- Eskaeraren** espedientearen egoerari buruz:

Internet: <http://euskadi.eus/nirekudeaketak>